



АҚПАРАТТЫҚ ХАБАРЛАМА

Астана қ.


2023 жыл, 22 желтоқсан

Төлем инфрақұрылымы: кәсіпкерлер мен банктердегі POS-терминалдар саны 30%-ға өсті

Қазақстанның төлем карточкаларының нарығы өсу динамикасын көрсетіп отыр. 2023 жылғы 10 айда Қазақстан банктерінің төлем карточкаларын ұстаушылар **132,8 трлн теңгеге 9,5 млрд операция** жүргізді. Оның ішінде қолма-қол ақшасыз тәсілмен **114,1 трлн теңгеге 9,3 млрд операция** жасалды.

Халықтың қолма-қол ақшасыз операциялар жасауының ең жоғары сұранысқа ие тәсілі – интернет және мобильді банкинг. 2023 жылғы 10 айда қолма-қол ақшасыз операциялардың жалпы құрылымындағы онлайн операциялардың үлесі саны бойынша **77,0%** және көлемі бойынша **88,1%** болды. Қазақстандықтар күн сайын цифрлық банкинг арқылы **330,7 млрд теңгеден астам сомаға 23,5 миллионнан астам операция** жүргізеді.


Онлайн-банкинг арқылы жасалған операциялар (трлн теңгемен)



2023 жылғы 1 қарашадағы жағдай бойынша пайдаланылған төлем карточкаларының жалпы саны **37,8 млн бірлікті** құрады. 2023 жылғы 10 айда әрбір белсенді төлем карточкасын пайдалана отырып, орташа есеппен **3,2 млн теңгеге 260-тан астам қолма-қол ақшасыз операциялар** жүргізілді.

Тауарлар мен көрсетілетін қызметтерге ақы төлеуге арналған инфрақұрылым айтарлықтай кеңейді. Төлем карточкаларын төлеуге қабылдайтын сауда кәсіпорындарының саны **762,7 мың кәсіпорынға дейін** өсті.

Ағымдағы жылғы 10 айда әрбір кәсіпкер арқылы **55,8 млн теңгеге** тауарлар мен көрсетілетін қызметтер үшін орта есеппен **5,2 мың төлем** жүргізілді. Қазақстандағы әрбір оныншы кәсіпкер төлемді интернет-эквайринг арқылы қабылдайды.



Кәсіпкерлер мен банктердегі POS-терминалдардың саны **983,4 мың бірлікті** құрады. 31,3%-ға өсу байқалып отыр. 2023 жылғы 10 айда әрбір POS-терминал арқылы **15,0 млн теңгеге** орта есеппен **2,2 мың операция** жүргізілді.

Толығырақ ақпаратты БАҚ өкілдері мына телефон арқылы ала алады:

8 (7172) 77-52-10

e-mail: press@nationalbank.kz

www.nationalbank.kz